



Пётр илчінің ікінчі пічи

Ікінчі пічиин Петр пастағызынаң ікіче чыл соонан, ўрир алнында пас салған.

Христианнар өмелерінің аразында пу чылларда хайдағ-да чой ўг-ретчілер сығысхлап килгеннер. Олар Христосха киртінчеткеннерні чазыхтыҕ хынығыстарын хандыраҕа көөктіріп одырғаннар. Оларның сөстері паза чуртастары Иисустың ўгредиине көлек тастааннар. Олар Хан-пигнің түрче итпинең чир ўстўне айланарынаңар молчаан нимее салбааннар. Петр христианнарны киртіністі сайбапчатхан ікінчілестерге салынмасха хығырча. Христосха киртінчеткен кізілерге мының соонаң даа Худайға чарас чуртирға паза прай нимеде Хан-пиге ізенерге кирек.

Пу пічік көбізінде Иуданың пічиине төйї. Сағамғы істезігчілернің илеезе, пу авторлар, постарының сағыстарын читірегі ўчўн, пірсі пірсінің пічиинең алай ба ікізі дее ўзінчі пічікнең тузаланғаннар тіп, санапчалар.

Христос киртінізін ўгренген пурунғы тархынчыларның искіріглері хоостыра Петр илчі, киртінізі ўчўн, Павел илчінең пір арада, Нерон ханнның тузында (наа эраның 66 чылында) өдірт салған.

Алғас

1 Сіреге, пісти осхас аарлыҕ киртіністері пар кізілерге, Иисус Христостың нымсчызы паза илчізі^с мин, СИМОН Пётр, пасчам. Орта нимее хынчатхан Худайыбыс паза Арачылаҕчыбыс Иисус Христос пу киртіністі сіреге пирген. ² Худайның паарсазы паза амыры сіреде көптелзін. Худайны паза Хан-пигібіс^с Иисус Христосты улам чахсы піліп одырзар, анзы толар.

Худайны піліңер

³Худай Позының илбек күзінең піске чуртасха паза Аны улуғ-лирына прай ниме пирді. Ол нимені піс, Худайны ханча артых пілзебіс, анчох көп алчабыс. Ол пісті Позының сабланызын паза чахсызын үлезіп аларға хығыртхан нооза. ⁴Ол ондайнан Худай піске илбек паза аарлығ молчағлар пирген. Пу молчағларның сылтаанда піс Худайға төйй поларға ондай алчабыс. Че піске тилекейнең устапчатхан, кізіні ардатчатхан хынығыстардан хыйа парарға кирек. ⁵Аннаңар киртіністеріне чахсыларыңны хозар үчүн прай күзінерні салыңар. Чахсыларыңа піліс хозыңар. ⁶Піліске посха ээлен поларын, посха ээлен поларына тыстан пілерін, тыстан пілеріне, тізең, Худайны улуғлирын хозыңар. ⁷Худайны улуғлирына киртіністіг кізілерге хынарын хозыңар. Киртіністіг кізілерге хынарына прай кізілерге хынарын хозыңар. ⁸Прай пу ниме сірерде пар полза, ол көптеліп одырза, сірер Хан-пигібіс Иисус Христосты пілерінде түзімніг паза маңнаныстығ поларзар. ⁹Че сірер піди хылынминчатсар, харахтаң кинек кізі осхас поларзар. Постарыңның алнында пір дее ниме көрбинчезер паза алындағы чазыхтарыңнаң^c арығланардаңар ундут салғазар. ¹⁰Аннаңар, харындастар, Худай сірерні хығыртхан паза таллаан кізілер полчатханнарыңны чуртастарыңда ізестіг киречілирге күстеніңер. Иди итчетсеңер, киртіністеріңнең хачан даа хыйа парыбыспассар. ¹¹Андада сірерге Хан-пигібіс паза Арачылағчыбыс Иисус Христостың түгенмес хан-чирінзер^c хаалха азыл парар.

¹²Сірер анзын пілчеткен дее ползар паза сын үгредіге пик киртінчетсер дее, іди ле ползын тіп, мин мыны сыбыра сағыстарына кирчедербін. ¹³Мин парда, прай пу нимені сағыстарыңа сиирте чоохтапчатханым орта полар тіп, сағынчам. ¹⁴Итсе, түрче полза, мин сын чирзер парыбызарымны пілчем. Анзын мағаа Хан-пигібіс Иисус Христос азых чоохтаан. ¹⁵Хачан даа, мин өл парған соонда даа, үгредиимні сағыстарыңда ал чөрерлерің үчүн прай ниме идерге күстенербін.

Пётрның паза ухаанчыларың киречілестері

¹⁶Піс, сірерге Хан-пигібіс Иисус Христостың күзінеңер паза Аның килерінеңер чоохтааныбыста, поэбыс сағын тапхан ниме төстенмеебіс. Піс Аның илбек күзін поэбыстың хараанаң

көргебіс. ¹⁷Хачан Ол илбек аарласты паза сабланысты Худай-Па-
 базынаң алғанында, піс анда полғабыс. Андада илбек сабланыс
 пулудынаң үн истілген: «Пу Минің хынчатхан Оолғым, Ол
 Минің көнніме тың кірче». ¹⁸Піс анда, ызых^с тағда, Иисуснаң
 хада полып, ол үннің тигірдең тапсаанын искебіс. ¹⁹Пісте ідök
 ухаанчыларның^с сын киречілезі пар. Сірер, ол сөсті хығырып,
 чүрекке алчатсаңар, чахсы итчезер. Күн чарии сустал киліп,
 чүрекерінде иртенгі чылтыс өөрлебиспеенче, ол сөс сірерге ха-
 расхыдағы чарытхы осхас полар. ²⁰Че пілінер, Худай Пічиинің^с
 хайдағ даа ухаанчылазын кізі позы чарыт полчаң ниме нимес.
²¹Ухаанчыластар кізінің көнні хоостыра хачан даа пирілбеен-
 нер. Ухаанчыластар Худай Худының^с устаанынаң Худайның
 ах-арығ^с кізілерінең пастыра чарлалчалар.

Чой үгретчилер паза оларның өлімі

2 Че израиль чонының аразында чой ухаанчылар полғаннар.
 Сағам даа сірернің араңарда чой үгретчилер сығызарохтар.
 Олар кізілерге өлім ағылчатхан үгретіглер чарлирлар паза олар-
 ны өлімінең садып алған Хан-пигнің үлгүзіне тоғырланарлар.
 Анынаң постарын өлімге табырах ағыларлар. ²Оларның соола-
 рынча көп кізі парып, оралысха салынарлар. Чон, тізең, анзын
 көріп, сын киртіністі харғир. ³Хычыхтарың хандырап үчүн, ол
 чой үгретчилер сірердең парыстанып, постары сағын тапхан чой
 ниме чоохтирлар. Оларға чарғы сығарыл парған. Оларның өлер-
 лері чағын.

⁴Худай чазыхха түскен ангеллерні^с чир түбінің^с харасхызына
 айағ чох тастаан. Анда олар кинчеліг Чарғы күнін сағыпчалар.
⁵Худай ідök пурунғы тилекейні айабаан, хомай кізілерге чайых-
 ты ысхан. Андада Худай сигіс ле кізіні арачылап алған. Ол Ной-
 ның сөбірезі полған. Ной, тізең, Худайны улуғлап чуртирға үг-
 реткен кізі полған. ⁶Худай ідök Содомнаң Гоморра саарларны
 чох иткен: оларны ойба-күлге айландыр салған. Ол ондайнаң
 Худай Позын улуғлабинчатхан чонны ниме сағыпчатханын кө-
 зіткен. ⁷Ол саарларның пірсінде чуртаан арығ чүректіг^с Лот тіп
 кізі чонның сайбахтығ чуртазына көре ле майыхчаң. Аннаңар
 Худай аны арачылап халған. ⁸Арығ чүректіг кізі Лот, ол чонның
 аразында чуртап, оларның полчатханнарын күннің көріп паза
 истіп, тың ирееленген. ⁹Пу кирек Худайны улуғлапчатхан кізі-
 лерні Хан Худай^с хычыхтаныстаң арачылирға пілчеткенін көзітче.

Ол, хомай кизілерні хатыҗлап, чарғы кўніне хайди ағыларын даа пілче. ¹⁰ Пу чарғы кўні улам ит-ханның кірліг хычыхтаныстарына салынчатхан паза Худай ўлгўзінең хыйа полчатхан кизілерні сағыпча.

Андағ чой ўгретчілер иртінчелер, ниме хынза, аны итчелер. Олар сабланыстығ ангеллерні дее, нимее салбин, сөклепчелер. ¹¹ Че кизіден хай-хай кўстіг, арбын ангеллер Хан Худайның алында чой ўгретчілерні хырыспинчалар, олардаң тоғыр киречі-лебинчелер. ¹² Чой ўгретчілер, тізең, сас аңнар ла чіли, пір дее ниме сағынминчалар, ит-ханнары тартхан хоостыра пол чөрчелер. Олар постары оңарбинчатхан нимені хырысчалар. Сас аңнар, тізең, кизее туттырып, өлерге төріпчелер. Пу кизілер дее ідөк чох иділерлер. ¹³ Олар постары иткен сайбағларының ўчўн хатыҗладарлар. Кўн хараанаң чалтанмин, постарының хычыхтаныстарына салынчалар, көңілерін тосхырчалар. Олар сірерні уйатха сухчалар паза, сірернең хада азыранып, сірернөк кірнең порап салчалар. Олох туста сірерні алахтырып алғаннарына өрінчелер. ¹⁴ Чой ўгретчілер чөреечі ипчілерзер ле көрчелер, чазыхха тартыларға хақан даа тооспастар. Олар нымзах хылыхтығ кизілерні постарына тартып алчалар. Чой ўгретчілернің чўректері чабы поларға ўгрен парғаннар. Че Худай оларны харғап салған. ¹⁵ Олар орта чолдаң хыйызып, астых чөрчелер. Восорның оолғы Валаамның чолынча парчалар. Валаам ахчаа чалланып, чабал киректі идерге тимде полған. ¹⁶ Че Валаамның чойын тізі эштек ілезіне сығарған. Тілі чох мал кизі тілінең чоохтан сыххан, ухаанчының алиин тохтатхан.

¹⁷ Ол чой ўгретчілер хуруп парған хара-суғ осхастар. Олар хазыр чил сўр чөрчеткен пулуттар, тубан осхастар. Худай оларға харасхының тўбінде хақанға даа орын тимнеп салған. ¹⁸ Чой ўгретчілернің чоохтары көкеесім, сөстері, тізең, тик. Олар астых чөрген кизілердең наа ла азырылып, сын чолға сыхчатхан кизілерні, ит-хан хычыхтаныстарына салынарға көөктіріп, посха тартып алчалар. ¹⁹ Ол чой ўгретчілер кизілерге пос чуртас молчапчалар. Сынында олар постары хычыхтаныстарының хуллеры. Пірее ниме кизіні ээлензе, ол кизі аның хулы пол парча нооза. ²⁰ Кизілер, Арачылағчыбыс паза Хан-пигібіс Иисус Христосты піліп алып, пу чирнің кірінең озып алчалар. Че пу чирнің кірі оларны, пазох тудып алып, пазынып алза, олар позаалахтағызынаң хай-хай чабал пол парчалар. ²¹ Арығ чўректіг кизілернің

чолын піліп алған соонда олар постарына пирілген ах-арығ чачығлардаң аар айланыбыссалар, андағда оларға ол чолны пілбеені артых поларчых. ²² Оларның хылынғаннары «Адай хусхағына айланадыр» паза «Сосханы чууп таа салза, олох ла палғасха кір парар» теені сын полчатханын киречілепче.

Иисустың айланарын молчааны

3 Хынғаннарым! Пу минің сіерге пасчатхан ікінчі пічиим. Пу сын үгредігденер хатап пазып, сіерні орта сағынзыннар тіп хынчам. ² Алында ах-арығ ухаанчылар чоохтаан сөстерні паза илчілеріңнең пастыра Хан-пигібіс паза Арачылағчыбыс пирген чахиин ундубазыннар тіп сағынчам. ³ Иң пурнада мыны пілерге кирек. Түгенчі күннерде^c сіерзер чабал хынығыстарына тартылчатхан кізілер килерлер. Олар, сіерні нимее салбин, сіерні сөклеп, ⁴ піди тирлер: «Килерім теені хайдадыр? Обекелер ол парғаннар, че тилекей ідөк ле турча паза чир чайалған тустаң ала алысханы чоғыл». ⁵ Ол кізілер тигірнең чир Худайның сөзінче чайалғанын санға аларға хынминчалар. Чир суғдаң пүткен, суғдаң сыххан. ⁶ Аннаңар пурунғыдағы тилекей чайых суунаң чох иділ парған. ⁷ Хан Худайның чахии хоостыра пўўнгі тигірнең чир от-чалыннаң чох иділер үчүн хайраллалча. Ол чарғы күнінде, Хан Худайны улуғлабинчатхан кізілерні чох итчен күнде, полар.

⁸ Хынғаннарым! Хан Худайға пір күн пір муң чыл осхас полчатханын ундубаңар. Муң чыл, тізең, Ағаа пір күн осхас. ⁹ Піреелері, Хан Худай молчаан нимені соона салдырча тіп сағынчатханнары, алчаастанчалар. Хан Худай, тыстанып ала, сағыпча. Ол пірдеезін олзін тіп сағынминча. Худай прайзын, чазыхтарын тастап, Позынзар айланарға маңнан халзыннар тіп хынча. ¹⁰ Хан-пигінің чарғы күні, оғыр хараазын кинетін кірібіскен чили, чиде салар. Ол күнде суулабинаң тигір чох пола халар. Анда прай ниме, көйіп, чох иділ парар. Чир, тізең, паза чирдегі прай ниме чох пол парар. ¹¹ Иди прай ниме иділер полза, сіерге хайдағ кізі поларға кирек? Сіер ах-арығ чуртирға паза Худайны улуғлирға кирексер. ¹² Худайның чарғы күнін сағып ала, иди чуртаңар паза ол күн табырах килер үчүн прай ниме идінер. Ол, тигір көйіп, чох иділер, тигірдегі прай ниме ізіге хайбылар күн полар. ¹³ Піс, тізең, Хан Худай молчаан наа тигірні паза наа чирні сағыпчабыс. Анда прай кізілер Худайның ондайынча чуртирлар.

¹⁴Хынғаннарым! Ол күнни сағып, Худайның алнында арыҥ көннiлiг, чазых чох поларға күстенiңер. Анынаң чаразып чуртанар. ¹⁵Хан-пигнiң тыстанып ала сағаанын арачыланыхса ондай пирчеткенiне сананар. Худай пирген хыйғазы хоостыра хынған харындазыбыс Павел пiске аннаңар пасхан полған. ¹⁶Аннаңар ол позының прай пiчiктерiнде пасча. Аның пiчiктерiнде пiлерге сидiк пiрее нимелер парлар. Анзын үгредiг чох паза киртiнiстерi пик нимес кiзiлер саба чарытчалар. Олар Худай Пiчиинiң пасха даа орыннарын iди ит салчалар. Ол ондайлары оларны поста-рын өлiмге ағылчалар.

¹⁷Хынғаннарым! Мыны пiлчеткеннерiнде, сизiнiп одырыңар. Андағда сiрер Худай үлгүзiне чарадынминчатхан кiзiлернiң алчаастарына тартыл парыбыспассар паза пик пiлiстерiннeң хыйыспассар. ¹⁸Хан-пигiбiс паза Арачылағчыбыс полчатхан Иисус Христостың паарсазы паза Аны пiлерi сiрерге хозылзын. Ағаа сағам даа паза хақан даа сабланыс ползын. Аминь^с.